

الخطاب المدلس وسفر التخوين

لقد فضل جحا الاستجمام فوق جبال سيناء بعد رحلته الشاقة التي جاب فيها معظم البلدان الأوربية؛ لشرح لسانة الغرب أبعاد المؤامرة الأمريكية وحلفائها في تركيا وقطر وعملائها في معظم الأقطار العربية. قد أدرك خلال الرحلة أن معظم محاوريه من البرلمانيين ورجال الأعمال الأوربيين ليسوا في حاجة لكشف المستور أو تأويل ما كان يعتقد أنه ملغز أو مشطور، غير أنهم لا يصارحون بالخبر المسكوت عنه فالكلام عندهم بحساب وله ضوابط ومقاصد وغايات لا يدركها إلا الحصيف الواعي شأن مأولي الكتاب، ومحلي صفر الرؤية والتكوين، ورسوم الكهنة والعارفين، وخلاصة الأمر أن جحا تأكد تماماً أن موقف الغرب الأوربي لن يتغير، وأن كل الوعود تتحول وتتبخر، ومنطق السياسة لا تُصاغ قضاياه إلا تبعاً للمنفعة والمصلحة المجمعة، ولا يتعجل الحكم على المسائل محل الصراع، فالحق دوماً مع الغالب أما الضعيف فينبغي عليه أن يقنع بالضياع، فجميعهم يعرف أن مصر بقيادة السيسي تخوض حرب دروس، ضد الارهاب المسلح والفساد الممنهج وأصحاب الفلوس، من وكلاء العم سام، ناهيك عن الحمقى والمتعاليين والمغيين والمأجورين والمهمشين والمطحونين ومروجي الاشاعات ومفتعلي المشكلات وغباء أصحاب السلطة من الوزراء والنواب ورؤساء المؤسسات وتجار الكلام. نعم كل أولئك يتأمرّون على رُبان السفينة غير

عابرين بالخطر الذي يحيط بها، ولا المتربصين لها. لذا أعتقد أن جحا قد أصيب من جراء ما شاهد في الخارج والداخل وحى التخوين، ويبدو ذلك في تلك العبارات التي كان يرددها من فوق جبال الطور والحلال وسانت كاترين.

جحا: محدش عايز يشتغل، والاحباط مذهبه، ودوا الكآبة الكسل، أو الرغي على الفيس بوك عن ارتفاع الدولار، وملكية الجزر، وحبوب السعادة وشهر العسل، والأغاني الجديدة (احنا بتوع ربنا ومعانا شهادة بكدة)، والحدثنة الأخيرة واغتصاب البت أميرة، وغلو الطباطم، وغش التعميرة، وتحليلات التليفزيون عن لسان أم ترتر وأبو السخافة اللي بيكركر وأبو جهل اللي بيحلل وينظم. وقد مل جحا جلب الذات وقرر من فوق الجبل النزول والتوجه إلى أهل المشورة وأرباب الأصول.

أحد الكلامنجية: إيه يا عم جحا محدش شافك من شهرين بعد صلاة الضحى، سمعت آخر الفضايح اللي ريمحتها مفحفة يا عيني قتلوا روجيني، والأثيوبي يبني في سده، وعواد الكبير رجع وباع أرضه، والكل بيهري ومش عارف، اللي ييشربه دا عدس ولا شاي كارف؟

جحا: لساك برابة وسارح انت بتعلم ولا بتوعى ولا بتاجر في اشاعات وفضايح اخوانا فين المهنية، والفطنة فين والمفهومية، دالي بينا وبين ربنا كلمة، وأمانة ومسؤولية، ولا انتو بيعين القضية، وبتهيجوا الهلية، وتساعدوا الحرامية والإخوانجية، وأوعى تقولي اللي بيتكلم عاقل واللي يستمع مجنون، وإن كلام السيسى فلصو وضحك على الدقون، وإن جيشنا خاين، وبرلمانا قبضوا العربون، وإن كل العلماء فلول وقضاوننا وكلين أفيون، مهو لو كان

عايز بيع كان سمع بكلام أو باما وتميم والشاطر وشرب البلايع، دي حكاية بايخة وإياك عليا تصيع. بيني وبينك الدستور، واللي اتعمل في الضلمة يا عم هاتوانت في النور، وهات الدليل والخريطة، ولا هيا زفة وزيطه، الحجة يبني في الوثيقة واللي اختارنهم يمثلونا مش هيخدعونا لا هم أتارك، ولا تربية أمريكا، ومتنساش إن القضية دي حساسة، لا تستحمل كذب ولا شغل نجاسة.

أحد شبان الألتراس: جحا يا أبو طبله، روح لأمك الهبله، هو السيبي عملنا إيه، حفر وعفر وسلح وملح وسيس وهندس يا خي تيت. فين التعليم وفين الدواء، وإياك تقولي الكهرباء والعيش ونوم المصطبة، والأمن والأمان، والمدن الجديدة والإسكان، فين الفلوس، يا عويل يا دسوس، وفين الحرية يابن اليهودية، الشباب اللي في السجون اللي بيتعزبوا في المعتقل، وفين الصراحة والشفافية والإجابة عن اللي اتسأل.

جحا: اسمع بيني تعرف تنسج نول واللي حواليك بيضربوك بالأقفي واللي تغزله ييفكوه، ويقوللك دي محففة، وتقدر تدخل جمعية مع شلة هليبة وحرامية، وتعرف تشرح درس وتحمل رسالة لناس بيئة وحثالة، هو ده حال العسكري اللي شال الشيلة، اللي بيتشتم صبح وضحي وبالليل تقولوله هات انت مسؤل عن عيلة.

أم بركة: صدقت يا جحا اللي انا سمعته ميتحكيش، مظاهرات وشتيمة وتخوين في الشرطة والجيش، هي الناس دي مبيشوفوش، والشباب الحر مبيفهوموش، عارض زي مانت عايز بس بأدب، وانقد وبين الغرض وصحح بيني وقول السبب، والسيبي مش فرعون هنعبد، واللي بيعمله صح مفروض

علينا نأيده، والي كنا فيه مش هنعيده، ولا الي خان ينفع نشاركه ونعيده، ولا الي باع نرضى نسامحه ونسيده، يبني الحرية والكرامة حق كفله ليناربنا، بس العقل برضوا ميزنا بيه وخصنا، والهد الي انت عايزه ايديك متعرفش تبنيه، التوب لو اتقطع نخيطه ونرفيه، مش نكمل عليه ونقول اخيه، أوعى تتهور لتتخور، والقمر الي انت شايفه هلال بكرة هيدور وينور، عايزين نقرأها صح، من غير تهوين ولا تأويل، ولا نعمل فلاسفة ولا نكون بهاليل، مشكلتنا إن احنا مش عارفين نبني من جوة، أخلاق وتربية وبعدين العضلات والقوة، والي يحب مصر وخايف عليها، يشمر ايده ويبنيها.